



06.10.2022

UKA2022/31  
Jens Napätôk' Naleraq

**Kommune Qeqertalimmi aallaaveqartussamik piniarnermut aalisarnermut nakkutilliisumik 2023 aallarnerfigalu atorfeqartitsilernissaq siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Kristian Jeremiassen, Inuit Ataqatigiit)

**Nunap immikkoortuini Uummannami Upernavimmilu najugaqartunik piniarnermut nakkutilliisoqalernissaa sulissuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

Inatsisartunut ilaasortaq Jens Kristian Therkelsen, Siumut

### **Siullermeerineq:**

Immikkoortoq 31 Kommune Qeqertalimmi aallaaveqartussamik piniarnermut aalisarnermut nakkutilliisumik 2023 aallarnerfigalugu atorfeqartitsilernissaq siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut Inatsisartunut ilaasortap Kristian Jeremiassen, Inuit Ataqatigiit siunnersuutaa

Taamatullu

Immikkoortoq 59

Nunap immikkoortuini Uummannami Upernavimmilu najugaqartunik piniarnermut nakkutilliisoqalernissaa sulissuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut Inatsisartunut ilaasortap Jens Kristian Therkelsen, Siumut siunnersuutaa.

Taakku tamarmik immikkoortut marluk ataatsimut suliassanngortinneqartut Naleqqamiit imatut oqaaseqaateqarfigissavagut.



Siunnersuutit taakku marluk Naalackersuisunikkut sulianut ingerlasunut ilaalluinnaraluarput, taakkuinnaanatillu nunarput tamaat isigalugu aaqiisoqarnissaanik Naalackersuisut tulleriaaralutik ingerlatsissagaat Aalisarnermut piniarnermullu ataatsimiititaliamit Naalackersuisuusunut pi-umasaqataallutik anngunneqarnikuupput, tassalu siunnersuutaasut Kommune Qeqartalimmi Krisitian Jerimiassen Inuit Ataqtigiinniit taamatullu nunap immikkoortuani Uummannami Upernavimmilu najugaqartut kisimik pinnagit tulleriaarinikkut nunarput tamaat isigalugu aaqiisoqartariaqarneranik Naalackersuisut suliaqarnissaanik peqquneqarnikuupput, maannakkullu Naalackersuisut nikinnerani Aalisarnermut Piniarnermut nutaamik Naalackersuisoqalernermi maluginiagassaavoq suliat taakku ingerlanneqaqqissimangitsut maluginiagassaapput.

Tassa sumiiffippassuit ilaatigut kitaani kujataani tunumilu uani siunnersuutini eqqaaneqanngitsut aalisarnermut piniarnermullu nakkutilliisoqarnissaat pingaaruteqartuupput, taamaammallu nunarput tamaat isigalugu aaqiinnisaaq pingaaruteqarluinnartoq suliakkiissutaalluni anngunneqartarnikuugaluarluni tulleriaarinikkut taakku aaqiiffigineqassasut.

Nakkutilliisut angallataat ukiorpassuarni akisoqisumik suliarisaqattaarnerat ingerlasimapput ilaatigut piffissaq annertoq angallatit nunamiittarsimapput akissaarunneq peqqutigalugu, angallatit aserfallatsaalinnissaat akisuvallaalersimasut aammalu aseroqattaartuurtut taasertariaqarnerat Naalackersuisooqataanitsinni aaqiiffiginissaanut alloriarfittut aaqiiffigineqarput poca 770 pingasuk pisiarineratigut, tamannalu Naalackersuisut immikkut ittumik qinnuteqarnerannut ilutigalugu nunarput tamakkerlugu aaqiiffigissagaat suliakkiissutaanikuuvoq, tamannalu naammassiniarlugu suliaqartoqarsimanginnera uggornaraluartumik maluginiagassaavoq.

Taamatullu politiit angallataasa ilaat tuniniarneqartoq SISAK pisiarineqarpoq nakkutilliisut angallatissaattut taannalu millionerpassuarnik naleqarpoq, tassungalu ilutigalugu aammaarluni eqqaassissutigineqarpoq nakkutiilliisut angallataat ullutsinnut naleqqukkunnaarsimasut pillugit aaqiiniarnermi taamatut aningaasaliisaarnerit ingerlanneranni sumiiffiit allat ilanngullugit suliaqarfineqassasut, tamannalu uggornaraluartumik suliarineqaqqissimagani maannakkut uani qinersivimmi tulleriaaraluni aaqqissuussinerit aallartikkaluartut unitinneqaqqinneratigut uggornaraluartumik keermiaasit isorliunerusut sumiiffiillu mikinerit pilliutaqqippupput, tamannalu Naleqqamiit asorujussuaq uggornartutut isigaarput.



Sooruna isorliunerusunut inoqarfinnut mikinerusunut pillutaaqqilersut taamatut suusupagin-  
nittoqarneranik Naleqqamiit oqaaseqarnitsinnut toqqammaviuvoq tulleriaaraluni Nakkutilliisut  
atugaat aaqinniarlugit sulinerit maanna unitsinneqarlutik siunnersuutinut Naalakkersuisut allan-  
nguutissamik siunnersuuteqarmata tamakkiisumik nalilersorneqarnissaat aallaqqaataaniit suliariniar-  
sareqqileraat tamannalu ukiakkut 2023-imi aatsaat saqqummiunneqartussamik. Taamaatut allan-  
nguutissamik siunnersuuteqarneq sulianut tulleriaaraluni ingerlatsinermi kingusaaneruvoq aammalu  
uani qinigaaffimmi aaqinniagarigaluap aaqqinngitsooratarsinnaaneranik taamatut siunnerfeqarneq  
kinguneqartussangorpoq tamannalu Naleqqamiit uggornartorujussuartut isigaarput.

Aalisarnermut Piniarnermut ataatsimiititaliamiit suliap ingerlareersoq ujartortariaqarpoq suliat inger-  
lareersut soq ingerlanniarneqarunnaarsimanagerat ataatsimiititaliap qulaajaaffigisariaqarpaat.

Siunnersuutit uku marluk taamatullu sineriammi isorartoqisumi allani suliat ingerlanneqarniarlutik  
tulleriaarinissamik neriorsuutaasut tulleriaarinikkut ingerlaqqinnissaat qulakkeerniartariaqartoq  
Naleqqamiit isumaqarpugut.

Taamaammat siunnersuuteqartut siunnersuuteqarfigisaat tulleriaarinermi ingerlatseqqinnermi maan-  
nakkut qimarratiginiarneqarlunilusoq akissummi allannguutissatut siunnersuut Naleqqamiit  
akuerinngilluinnarparput taamaammallu siunnersuutit uku ilanngullugit kitaani kujataani tunumi tul-  
leriaarinissat nunarput tamaat isigalugu suliat ingerlanerat qulaajarniarlugu ataatsimiititaliamut  
suliarineqarnissaat siunertaralutigu uku siunnersuutit ataatsimiititaliamut Naleqqamiit ingerlatseqqip-  
pagut nunarput tamaat isigalugu suliat ingerlasut tulleriaarinikkut ingerlaqqinnissaat kissaatigalutigu.